



Synfocity = 402

9th August, 2012mail us at : mzsynfo@gmail.com; mizoramsynod@gmail.com - Phone - 2314648**□ Campus Ministry nena inkawmhona**

August 8 khan Synod Conference Centre, Mission Veng-ah Aizawl khawpui chungha Zirna in hrang hrang, Evangelical Committee nei zawng zawngte leh Synod Campus Ministry hruaitute an inkawm a, he inkawmhona programme hi Rev. Vanlalzuata, Senior Executive Secretary, Mizoram Synod-in a kaihruai a ni.

He inkawm honaah hian Dr. Robert S. Halliday, Synod Social Front Coordinator buatsaih "Concept Paper" chu zirho a ni a, kal khawmte hian sawihona hun an hmang zui bawk a ni. Hun tawpah Rev. Krawschhuanmawia, Coordinator, Campus Ministry chuan lawmthu sawiin thu hmawr a bawk leh a ni. He inkawm honaah hian mi 117 lai an tel a ni.

Synod Campus Ministry hi kum 1989 Synod Inkhawmpui thurel bawhzuia din a ni a, tunah hian Synod Office-ah Department pakhat niin zirna in hrang hrangah zirlaite Pathian thu lama kaihruaina leh mimal nuna harsatna su kiang tura rawngbawlna neiin a thawk mek a ni.

□ Synod-in Relief pe

August 3 (Zirtawpni) chawhma dar 10:30 vela Zemabawk Bung Bangla Quarry a lung chimin MZ 01 B-0535 (Taxi) a hnawla thi leh hliamte hnenah Mizoram Synod chuan Synod Relief Fund atangin ralna leh hliamte kanna hetiang hian pek a ni :

S/n	Hming	Veng/Khua	Pek chhan	Pek Zat
1.	Upa Zorammuana	Serchhip bethel	Taxi accident-a thi	₹ 10,000/-
2.	Robert Zosangzuala	Serchhip Bethel	Taxi accident-a thi	₹ 10,000/-
3.	Vansangzuali	Thingsulthliah	Taxi accident-a thi	₹ 10,000/-
4.	Lalmawipuii w/o Lalrinchhana	Serchhip Bethel	Taxi accident-a hliam	₹ 3,000/-
5.	Lalhlmpuii d/o Lalrinchhana	Serchhip Bethel	Taxi accident-a hliam	₹ 3,000/-

□ Synod Mission Board

♦ August 7 - 15 chung hian Kolkata, Nepal leh Siliguri Mission Field Committee meeting neih mek a ni a, Rev. Lalzuithanga, Executive Secretary; Upa B. Lalrinliana leh Upa Vanlalchhunga (BEC Members) te an kal. Nimin (August 8) khan Kolkata Field Committee an thu a, naktuk (August 10) hian Nepal Field Committee an thu leh ang a, August 13 (Thawhtanni) ah Siliguri Field Committee an thu leh ang.

♦ August 10 - 12 chung hian Ramhlun Kohhran Biak Inah Home Mission North huam chungha Missionary-te pualin Retreat neih a ni dawn a, thupuih 'Krista sipai rinawm' (II Tim 2:3) tih an hmang ang a, speaker atan Upa R. Lalmalsawma, Synod Mission Board Coordinator an hmang ang. Retreat neih chung hian Rev. Lalramliana Pachuau hovin Character Study : 'Paula, Missionary ropui' tih an zirho thin ang. Programme kimchang pheh lehlamah tarlan a ni.

□ Zin

August 6 - 10 chung hian PCI Executive Committee, Shillong a neih mekah Rev. Zosangliana Colney, Executive Secretary a tel.

□ Social Front

♦ August 12 (Pathianni) hian Republic Bial Senior Meet neih a ni dawn a, speaker atan Dr. Robert S. Halliday, Social Front Coordinator hmangin 'Tleirawl leh Tunlai Khawvel' tih thupui hmangin thuchah a sawi ang.

♦ August 13 (Thawhtanni) zan hian Bungkawng Vengthar Kohhranin Thalaite leh Tleirawlte pualin Sex Education Campaign a buatsaih dawn a, campaign hi Dr. Robert S. Halliday, Social Front Coordinator-in a neihpui ang.

□ Kristian Thalai Pawl

♦ August 12 (Pathianni) zan hian Chaltlang Kohhranain Hla Kutpui an hmang dawn a, Synod Choir-ten hun an hmanpui ang.

♦ August 15 (Nilaini) hian Synod Committee Room No. 1 -ah Central KTP Committee an thu leh dawn a, thu thlen tur nei chuan August 13 (Thawhtanni) aia tlai lovah KTP Department, Synod Office-ah thehluh theih a ni.

♦ **Breakfree Tour** : Breakfree Tour nei turin LIVE JAM Delhi-te chuan August 8 khan Aizawl an lo thleng ta a. Vawiin (August 9) chawhma khan Aizawl Press Club-ah Press Conference an nei a, tlai dar 3:00 atangin Synod Higher Secondary School, Mission Vengthlangah Breakfree Tour an nei tan ang. Naktuk (August 10) dar 10:00 a.m. atangin Vanapa Hall-ah school hrang hrangte nen programme an nei chhonzawm leh ang a, zan dar 7:30 atangin Live Concert neih leh a ni ang. (Programme hi www.mizoramsynod.org, New Uploads-ah tarlan a ni.)

□ MSSU

August 9 - 12 chung hian Ngopa Bial huapin Lamzawl Kohhranah leh Ngopa Kohhranah Sunday School Zirtirtu Training neih a ni dawn a, training neihpui tur hian Lamzawl Kohhranah Upa K. Zoremsanga, Kulikawn a kal ang a, Ngopa Kohhranah Pu P.C. Lawmzuala, Ramhlun Vengthlang leh T. Upa Lalthahluna Ralte, MSSU Asst. Coordinator te an kal ang. Training bakah hian Fanau enkawl chungchang thuchah sawiin hun an hmang bawk ang.

□ Music

♦ August 10 - 12 hian Champhai Vengsang Bial huapin Champhai Vengsang Kohhanah Music Seminar leh Hla Kutpui neih a ni dawn a, hemi neihpui tur hian Pu Lalromawia, Music Instructor leh Upa Lalrinmuana, KTP Coordinator te an kal ang.

♦ Synod School of Music a hman tur Upright Piano, ₹ 5,00,000/- (Cheng Nuai Nga) man chu August 1 khan chah thlen a ni ta a. August 3 khan Rev. Lalzuithanga, Executive Secretary-in Pathian hnenah a hlan.

He piano hi zir nana hman tur ni lovin Trinity Guildhall London Practical Exam (Grade I - V) na atan hman tura phut tel a ni a, hetiang piano nei lo hi chuan practical exam conduct theih a ni lo.

□ Kohhran Hmeichhia

August 10 - 12 hian Mamit Hmunsam Kohhranah Leadership Training & Kristian Chhukungaw Campaign neih a ni dawn a, Central Kohhran Hmeichhe hruaitu Pi Laltnamawii, Chairman; Pi K. Lalthanpari, Committee Member leh Pi C. Zopari, Committee Member-ten hun an hmanpui ang.

□ Hruaina Eng FM Radio & TV Programme

♦ **AUGUST 10 (FM Radio @ 7:30 p.m.)** : **Choir** : Ramhlun North Pastor Bial Zaipawl - Nunna Tuipui, Mission Vengthlang Kohhran Zaipawl - Isua Hnenah Ka Him Ang, **Thuchah** : Rev. Zothansanga - Chhukungaw pawimawhna, **Solo** : Lalmuanpui Ralte - Ka thlarau venghimtu, **Group Zai** : Gospel Artists - I din thar leh ang aw

♦ **AUGUST 12 (TV Programme @ 3:00 p.m.)** : **Choir** : Synod Choir - Ka nunah hian, **Sermon** : Rev. Lalrinmawia - In nun hi finkharpui hle teh u, **Choir** : Champhai Vengthlang BZP - Kan thilung hi kan hlan a che, KTP Gen. Conference 2012, Multiplex Programme - Rawngbawlna leh ICT, **Trio** : Maggie, Debbie, Henry - Immanuela Thizamah, **Short Play** : Zonuan Bial @ KTP Gen. Conference 2012

Contd...

- ❑ **Susamachar Prasaran Programme**
August 12 (Pathianni) 5:00 pm. *Hindi Gospel Programme (Susamachar Prasaran)* : Group/Choir/Solo : Republic Veng Masihi Sangati - Falaksa, Group/Choir/Solo : Hunthar Veng Masihi Sangati - Pavitra Atmaa, *Sermon* : Rev Laltharzuala - Sansar se Prem na karo, Group/Choir/Solo : Zarkawt Masihi Sangati, Group/Choir/Solo : Kanan Veng Masihi Sangati Zaipawl
- ❑ **Campus Ministry**
 August 13&14 hian Govt. Mizo Higher Secondary School (Class XI) te pualin Crusade neih a ni dawn a, August 16 &17 hian Class XII pualin neih leh a ni ang. Crusade neihpui tur hian Rev. V.L. Krosschuanmawia, i/c Campus Ministry; Tv. K. Lalremruata, Chaltlang 'S'; Pu Joy Zairemmawia, Ramhlun Sport Complex leh Tv. James Lalrinmawia, Chaltlang te an kal ang.
- ❑ **Moderator Programme**
 Synod Moderator Rev. Thangzauva Kohhran tlawh programme :
 - ♦ August 11 (Inrinni) - Hlimen Kohhran
 - ♦ August 12 (Pathianni) Chawhma - N. Lungleng Kohhran
 - ♦ August 12 (Pathianni) Chawhnu - Samthang Kohhran
 - ♦ August 12 (Pathianni) Zan - Lungleng I Kohhran
 - ♦ August 15 (Nilaini) - Chhim Bial Committee, Lunglei

HOME MISSION NORTH MISSIONARY RETREAT

A hmun : **Ramhlun Kohhran Biak In**
A hun : **August 10-12, 2012**
Thupui : **Krista sipai rinawm (II Tim 2:3)**
Speaker : **Upa R. Lalmalsawma**
Co-Ordinator, Synod Mission Board
Character Study : **Paula, Missionary ropui**
Zirpuitu : **Rev. Lalramliana Pachuau i/c Ramhlun Bial**

August 10, 2012 (Zirtawpni)		7.00 pm - 8.30 pm	: Vantlang Pathian Biak Inkhawm
1.30 pm - 4.30 pm	: Registration	Hruaitu	: Upa Dengkhuma, Bairabi South
4.30 pm - 6.00 pm	: Zanriah		: <i>Member, H/M North Working Comt.</i>
7.00 pm - 8.30 pm	: Vantlang Pathian Biak Inkhawm	Thusawitu	: Upa Malsawmdawngliana, Chaltlang
Chairman	: Rev. Lalmakpuia	Zaipawl	: Missionary Training College Zaipawl
	<i>Member, H/M North Working Comt.</i>	Inkhawm ban Lengkhawm	
Welcome & Introduction	: Pu Lalbiakenga Fanai,	Hruaitu	: Evan. R. Sangkhuma, <i>Member,</i>
	<i>Asst. Coordinator, SMB</i>		<i>Bru Gospel Team, W. Phaileng</i>
Inlawmna	: Chairman	August 12, 2012 (Pathianni)	
Key-note Address	: Rev. Lalchhuanmawia, <i>Secy. SMB</i>	Chawhma	
Zaipawl	: Ramhlun Venglai Kohhran	6:30 - 7:30 am	: Character Study:
			<i>Paula, Missionary ropui</i>
August 11, 2012 (Inrinni)		8:00 - 9:00 am	: Tukthuan
6.30 am - 8.00 am	: Character Study:	10:00 - 11:30 am	: Vantlang Pathian Biak Inkhawm
	<i>Paula, Missionary ropui</i>	Chairman	: Upa Ngurtinchinga, <i>Kawrthah</i>
8.00 am - 9.30	: Tukthuan		<i>Member, H/M North Working Comt.</i>
10.00am - 12 noon	: Thupui zirho	Thusawitu	: Speaker
Hruaitu	: Upa Zahlira Zote,	Zaipawl	: Ramhlun North Bial Zaipawl
	Kawnpui Hmar Veng	Chawhnu	
	<i>Member, H/M North Working Comt.</i>	12:00 - 1:00 pm	: Chhun chawlh
Thupui	: <i>Bru culture/sakhua leh an zinga</i>	1:30 - 3:00 pm	: Vantlang Pathian Biak Inkhawm
	<i>rawngbawl dan tha</i>	Chairman	: Upa Lalluaia, Mamit, <i>Member,</i>
Sawitu	: Rev. A.K. Dawia		<i>H/M North Working Comm.</i>
12 noon - 1.00 pm	: Chhun chawlh	Thusawitu	: Speaker
1.00 pm - 2.00 pm	: Thupui zirhona	Zaipawl	: Chaltlang South Kohhran
Hruaitu	: T. Upa Lalhmingthanga	4:30 - 6:00	: Zanriah
	<i>Mission Promoter, SMB</i>	7:00 - 8:30Pm	: Vantlang Pathian Biak Inkhawm
Thupui	: <i>Chakma culture/sakhua leh an</i>	Chairman	: Rev. Lalramliana Pachuau
	<i>zinga rawngbawl dan tha</i>		<i>i/c Ramhlun Bial</i>
Sawitu	: Upa H. Ngurkhuma,	Thusawitu	: Speaker
	<i>Mission Promoter, SMB</i>	Zaipawl	: Ramhlun Kohhran
2.00 pm - 4.00 pm	: Thupui sawiho	Inkhawm ban Lengkhawm	
Thupui	: Bru leh Chakma zinga rawngbawl	Hruaitu	: Upa Laltharzuala, <i>Leader,</i>
	dan tur		<i>Bru Gospel Team, Mamit</i>
4.30 pm - 6.00 pm	: Zanriah		

PRESS RELEASE

Mizoramain kawng hrang hranga hma a sawn mek laiin infiamna lamah pawh hma kan sawn ve zel a, a lawmawm tak zet a ni. Infiamna lama hma kan sawnna hi a lawmawm em em rualin Kristian ram kan nih avangin kan ni serh pawimawh, Pathianni-ah infiamna leh intihlimna lam thil huaihawt lo tur leh, kan ni serh pawimawh hi min zahsak hram turin Mizoram Presbyterian Kohhran chuan Mizorama cheng zawng zawngte a ngen a ni.

Sd/-
UPA D.P. BIAKKHUMA
Secretary
Mizoram Synod

Sd/-
REV. THANGZAUVA
Moderator
Mizoram Synod

